

靳兩城先生集

綵



靳兩城先生集卷之四

東魯靳學顏著

五言古詩

雜擬十二首



蘭若施中谷旖旎光自竒晨霜飄其莖常恐隨
春蕤移置嘉林裏街君恩愛私家世東魯客曳
裾薄許畿愧非楚和氏先容勞主知抗纓步華
闕結交枉金枝華月敞彤閣神飈自遠馳高張
廣羅列冠綏相招攜權至各抽翰我主固雄詞

飛塵集太嶽衆星麗朝曦雖懷吉甫情喟焉傷
中疲

右劉文學感遇

翡翠游南海乘時致中國芳餌無逸鱗珍籠多
鍛翮天下營營者吾焉取名實傾昧遊大象喧
累非我宅上者全身名善行無轍迹狂歌行披
髮彼哉竟誰測神龜飲元津靈鳥逝安適由來
有殊性觀願故無厄思鍊五內丹受道固營魄
右秘中散言志

白日浴咸池六宇鬱芒芒嚴霜墮枯草露下沾
衣裳列宿爭泊天圓景光已長顧瞻周道劇還
矚望故鄉念我久不歸家室安得詳奔獸思舊
林悲鳥呼羣翔如何永乖絕摧斷中肝腸北斗
不酌酒七襄無報章誰謂堇荼苦甘飴未可方
宴爾信佳哉皦日焉可忘

右阮步兵詠懷

涼颿薄綺䟽洞閣敞華月端坐理絲桐素手清
商發別鶴有餘音鳥啼夜未歇始見蕙草殘倏

已望舒闕愛至怨苦深節徂信超忽間關萬里
夢尚寐願無寤安得有萱草樹背令憂沒

右張司空離情

鼓劍赴京洛行役方在茲朝駕大江溘夕遵黃
河湄矯首望雲闕頓轡謁玄墀飛鳥青宮途振
衣承華扉幸沾重潤波竊照前星暉博望厠英
雋玄圃數追隨諒乏園綺姿濫謬鈞天吹恩紀
信洪踰懷歸竟無期折心暗驚骨涕下誰能揮
日夕出城闈極目南山陂淮泗橫我前一葦豈

航之仰送飛鶴沒俯忤宿鳥棲長憶托河水日
日東南馳

右陸平原羈宦

皇運亢陽紀胡塵蔽彤宮中原嘯豺虎三孽蔓
禍宗家覆邦淪喪毒痛亦何叢仗劍誓白日戴
天願不共輶張數盈載飄零若孤蓬經瀆聖所
耻揮戈曠無庸玄髮倏已改大命良亦終憂來
不自持五內常自忡酣歌灑血淚浩氣結飛虹
忠信雖見猜磷緇非我躬一匡彼何人報主垂

豐功

右劉大尉傷亂

晉國昔喪亂，虬網墮氛妖。壯士奮長纓，鼓柁凌
洪濤。歃血誓廓清，一死若鴻毛。慷慨激易水，千
里風蕭蕭。托身幸赤驥，仰附蒼山條。冒險分日
密，櫻患同所遭。聯姻結骨肉，意氣丘嶽高。平生
汎觀覽，緬慕昔時豪。五蛇從龍游，矯矯復其巢。
四臣懸光耀，徑寸非所要。撫已良乖薄，剪拂亦
何勞。碌碌平原門，泛濫莫逆交。睽違即歲月，悵

感惟怵怵，投桃庶申託。嘉惠冀瓊瑤，願勗隆棟
吉以副射隼交。

右盧郎中感交

靈洲富竒石，神嶠豐丹莢。蓬萊限弱水，杳冥不
可期。峩峩結真宅，道術良希夷。上下雲氣間，神
君倘可追。凌波歷廣野，揮手翺天倪。仰餐若英
露，俯蹇青林芝。拍肩羨門子，招邀雲中逵。授我
握中珠，光輝世所希。至寶在自然，以此自修持。
歸奉至尊所，壽與天無虧。

右郭弘農遊仙

大庭去我久華胥亦隱淪
倏忽鑿渾沌索爾戕其真
帝先固無言綿綿用不勤
中古事䟽鏤萬族區以分
龍圖一何晰龜書亦已文
神解非外資媛姝何紛紜
辯道雖多方不如默若存
疇昔仰玄訓頗識寂感門
尺捶足化理指薪喻修因
天下皆得一衆妙吾何論
一質庶成子廓然導迷津

右張廷尉雜述

蹈海踰貞則投閣乏明哲
名以淪寂超物忌形役滅神
守信靈智剗腸返邁孽仰景
首山薇斯人亦懲熱嘉遁
遵丘阿履道自康悅逝矣眷
豫石懷哉悲井渫吞響謝洪
伐韜光非苦節冀乖悔吝途
庶以完天拙熊經術未遑
豹養生豈攝神蘊愜幽姿
靜延協真訣

右許徵君自叙

束髮眷名遊偃蹇乖秉橐
一覽越甸竒果以諧夙慕
泛舟厭洄泓抗策恣高鶩
陟峴凌晨霞探

壑襲靈霧景翳術將迷巖傾側始度險夷即改
觀雲日變昕暮海嶠若浮漚有無忽吞吐蔚蒼
既川騰嶽嶇亦星錯桐林發金響石房流玉乳
裊裊蒼蘿風泫泫朱桂露蒙泉聖所希兼山理
誰悟曾是屬幽棕冀與作者遇

右謝臨川遊山

豫遊稽夏諺時邁隆周圖冀覃懷柔風匪恣情
賞娛后皇錫嘉序洗律發春敷青廬美宸盼華
垆凝皇愉川嶽緬迴阻神營斯奧區王氣蔚龍

天險饒虎踞組帷遵曲渚藻鷁浮丹瀆樂闋
羣方穆氣浹百昌舒輕佻婉清揚延節度修徐
洛宴豈冥豫鎬飲非盤于洪恩渥湛露微冥同
衰枯方飭輿人頌慙謬鈞天竽

右顏特進侍宴

壽詩二首初矢永言中涉哀悃既申短奏以

鬯靈襟

白日耀華棖小春開初陽時哉屬休泰我君何
壽康斑斑降霞軫荷憶婉而張雙跪捧星筭齊

心叩北堂渥顏忻逮賤眉宇呈芝祥三爵亦不
醉衍賓方未央既舉復遺顧惠芬不可忘願言
日翊戴無遠使心傷

其二

纍纍松下苓一本秀兩莖落落垂青蔭脉脉貫
滋榮神芝共永茂叢蘭接密英卿雲必夾衛珍
鳥不單驚軒臯來采實王喬坐調笙中和既飽
德百感謝襟靈物性有由貴所以耀丹經我君
今燕喜持此慰修齡

感述二十八首

上山採黃獨日莫忘歸期思慮縈人骨薄然令
畏疲我家大海南所思北山陲悠悠異鄉縣思
欲一致之何由一致之青錦玄秘詞又何一致
之琅玕珊瑚枝

其二

大運有盈虛至人洞玄獨載觀損益爰因之識
剥復洪鈞陶萬形色色森已屬瀆牙童其角渾
翼殺其足如何競華子勞怵營所欲豈惟滑至

精過取有幽戮賢哉二大夫知足乃不辱

其三

青禽戲海瀕海人與之化微靈見幾先色斯不肯下鷄鷓稱神鳥胡為離所舍一聆鍾鼓音徒然增悲咤

其四

三綱扶世教五典敦生民青蠅易白黑偏聽生亂因漢武昔雄畧愛姬多殞身趙虜一衣繡震位罹禍屯在親易為薄踈遠曾足云

其五

驄馬者誰子長安五陵兒紅鞵間七寶腰劍揮白螭挾彈章臺左鬪雞黃金墀畫地列山川明主特見知賜第擬大內姬姜充組帷朝鍾暮考鼓絃管雜清詞但恐白日疾何由挽長絲灼灼桃李榮夭夭明艷姿落花御溝水東流不復辭昔為人所羨今為人所悲

其六

端居并百慮試以觀吾生吾生伊何為惟乃性

新雨先生集 四卷
與情性既立我命情乃令命傾不如金石壽金
石夫何營銷泐雖有期逢速各有程

其七

高堂列綵楹草生滿堂前雞鳴倒衣裳出門謀
人田黃鵠薄天飛當饑不得餐穴蟻知天陰營
燕知天干物微志不廣周身爾為賢

其八

淮海變雀雉雀雉豈復知羽甲各有族浮沉不
相宜儒者務推類大道固無詞

其九

莫以膠舟固汎此江漢深莫以直如弦北斗安
能斟日中睹星沫浮雲蔽天陰六月凜堅冰凝
冬見鑠金人道豈無恒世代殊古今田光頸未
斷烈士心不謀安得莫逆子人百一其心

其十

憂來何所似車輪雙聯環聯環不可解車輪宛
轉間鶖鳴南枝坐見芳華殘百蟲感我心長
夜何湯湯芙蓉被秋霜藕根自鮮妍吾生非物

新兩城先生集卷之四
化何用憂思纏去去庚桑楚逍遙無為門

其十一

昔聞三輔傑其人張仲蔚淪寂雖已久高躅尚
可暨著書不下堂作賦薄雲氣蓬蒿雖自滿謂
若不經意冠蓋競名都貴者雖自貴唯有魏景
卿同甘太羹味

其十二

河泊多勺水海若方見嗤爛爛梧臺石珍重不
復疑羲和匿靈景熠燿競宵輝何況遼東豕駭
目固其宜易牙嘗淄澠離朱察纖絲斯人久不
作真偽吾何知

其十三

兩丸出以沒二儀互其根明觀雖有真遁炤理
所因元運盈厥紀剝復乃相循冥筮信罔象玄
度亦紛綸開闔不自保主者一何神

其十四

朝出登隴坂夕棲下山陂岐路一何莽凝睇白
雲涯玄露隕瑤草清霜摧梧枝時序乃如此天

風颯以淒恨恨不能去且復立斯須

其十五

驚颯下萬里白日寒無光驅車北郭門孤客遠
干將凍雨初歇霽青沙吹不揚亂葉搔馬首颯
颯摧長楊一隼東南征欲逝安得翔回轅忽反
顧來蹊鬱蒼茫長漢下修阜惶惑不能詳

其十六

素昊變璿紀湛露溥林柯簌簌葉如訴萋萋蟲
鳴莎孤鴈背羣徂長河秋無波節往襟愈促撫

時愁已多燕趙多慷慨赴曲行相和危絃無緩
調商吹歎悲歌諒懷唐風心隙駒易為過變故
在須臾歎息將如何

其十七

百年若颯塵歡少戚何長不見薤上露空然怨
朝陽何不振羽翰高矯聊徜徉從爾解天弢反
吾初服常拘促迫心意終為人所傷

其十八

天東有燭龍煎照世上人海波自相熬五嶽忽

為塵嗟哉我何其簪紱拂其真掛冠願已酬所
嗟在人羣軒黃有逸控松喬無旋輪丹砂久吾
負刀圭不可親何當握秘術長齡希千春

其十九

驅車青泥坂登眺古時臺慰彼泉下人嘯歎有
餘哀白日下雲間飛鳥向我迴長嘯悽以愴青
山為徘徊明月東天出因之滄洲懷

其二十

仙人好樓居樓成竟無仙龍舟駕海水一往何

時還後宮御羅綺秘方餌金丹少翁方授首五
利復拜官銅盤樹金莖亭亭青雲端清露未及
飲日落濛汜間

其二十一

石泉何活活揚葉何旒旒念與故人別悠悠歲
云邁萍離有合時蓬轉無根蒂憂來不能整山
風吹衣帶帶中尺素書欲付雙鯉魚為我致故
人夙昔與今殊塵沙彫素體霜霰披長裾願為
特生草莫作風中絮草傷根復生絮難還故居

其二十二

伶採嶰山竹媧氏吹匏笙元氣漸能理繁音亦
以生景王鑄無射師涓寫新聲私智破大道淫
巧澆羣情素絲易為染虛窾易為盈由來有固
然蒼黃何足怍

其二十三

孔雀生炎海珠尾繡雙肩十步一啄食五步一
飲泉文綵世既愛為謀復不先旋踵未及已弋
者行見連伉儷絕頸別珍雛饑且寒黃雀食官

倉克俎分同然如何產遐域罹患亦辛酸

其二十四

鷄鳴起披衣促駕命遠遊遠遊當何之匈奴為
我讐別家赴國難去去若雲浮飛劍決海水鳴
鏑墮旄頭漠沙非我田窮廬非我州誓拔天驕
種舒君西北憂歸謁麒麟殿論功當封侯長揖
辭天子臣本赤松儔珪組無所用不如遂所求

其二十五

歲暮霜雪慘百昌亦已零蕭蘭同時萎寧復論

芳馨孤鳳號大野鴛鴦戲廣庭竹食常不飽岡
梧枯不榮拂衣從此逝鳴絃寫新聲

其二十六

我有所思者乃在南山岨日莫道途遠此方難
與居我前嗥虎豹我後舞豸貙僕夫仰天訴十
步九趑趄改轍絕無軌弭轡宿無廬氣結不能
語引領心煩紆

其二十七

直不防見伐社櫟終天年被褐懷其寶背棄夸

與鮮猶龍西去胡善卷務高竊惜哉龍章子孫
登竟知言

其二十八

裊裊孤生草託根在空桑女蘿附松栢引蔓與
之長結髮入君室佩君雙明璫恩愛兩不疑南
山見肝腸一朝坐貝錦君情中乖傷君心非浮
雲寧為風簸揚新人雖云好不如故人常

古意三首

皎如素綺屏置君高堂上開闔自相當陰陽自

相向心面苟如此君心豈不諒流螢亂寒星熠
燿能幾時鑿冰作杯醜工巧難久持樂天而知
命達者亮能斯

其二

寧值松栢枝莫蒔桃與李蛾眉寧作嫗不逐遊
俠子遊俠不顧家腸斷令人嗟

其三

種樹大道傍結交岐路間樹成還有陰交老得
心難浮雲終日行海水何時還

擬古二首

麟洲挺佳草赤葉漱玄津雲氣團華蓋秀結三
千春往往蒼龍客攀贈玉霞君螭衣被星斗天
旌按鈞辰瑤臺多繁露銀渚淨纖塵桂隱幽蟾
色月暈靈珠紋粲彼芳姝子匏笙吹夕曷五音
各異調轉律遂成文天籟生百感玩弄世間人
共謝東流怨永與南山親

其二

懷哉不能忘空谷蕙蘭芳佳期在日暮繾綣南

新河城先生集 四卷 十五
山陽瞻彼漢靈偶徒倚津無梁徒然弄機杼終
日不成章茫茫烟水外思心良可傷

雜詩二首

鷄鳴早嚴駕逝將之蓬萊海水揚其波我心殊
未諧改轍眺回嶺攄悰湖東涯願得展婉孌日
夕期不來霜霰繁中野居然時事乖候蟬抱葉
墮但見蒿與萊郭外少人烟鴻響一何哀鳴鳶
羣雉鳴狐兔各相媒白鶴不下食反見黃雀猜
澤雉逝不早傷哉毛羽摧去去西山薇不可喻

中懷

其二

躡足託青雲性靈非所適緯繡迫心意欲去無
修翮躬耕豈不任胡為自煩憊高情馳物表烈
志若素食谷口鄭子真所貴享其力相彼冥飛
鴻虞人慕安弋

述哀詩九首銜哀十月噤無一言蘊結成
病歌以抒之云爾

微榮不足捐要之珍出處豈謂溝閔凶櫻此長

輟兩城先生集 四卷 十六
恨縷悔尤空自珍書空但無語離思積庭蕪星
霜遽如許寒缸照永夕聽盡高齋雨

其二

茹痛卧霜館端憂歷居諸負瘵日彌留蕭爾成
山癯弦觴雖宿好茲心豈晏如虛景鑿幽幌凌
颯汎前除興居轉無賴歡悰為誰須驚魄葉俱
散矢心灰不噓寒原變秋草平楚罕居廬痛哉
不可作慈淑滯斯隅涕屑風枝下淒斷白雲衢

其三

清霜大澤寒魚鳥各有宜微物縈冲感宵分坐
褰帷星河爛如昨人事傷多違陽烏千里至遲
回為我悲聲同調不異聽者自心移

其四

生性惟耽趣遣累常諭人浸尋涉逆境影響兩
相因彌念投空室聊從釋子論思以法王法度
茲身外身風鐸流商響坐聆一愴神

其五

珠翟委空篋蠹蛸網洞房莓綠焚香埒塵沒卷

衣牀履綦儼堪舉周旋不可忘鉛華日凌亂鏡
彩月蒼涼蘭竿但陳醕瓊靡徒屑糧象設恍成
御陰爽就無方撫痛常思控懷痾益自傷它歸
訛迈命問寢誤稱孃潛翳應終古白日幾回光

其六

長河隱高樹清風殿層軒攬衣起行遊四壁但
蟲喧圖史委西序軫微掛牖間邈矣南陔什從
茲難重彈

其七

風葉墮紛紛歎此嘉林樹不惜流光駛人心有
今故憂來據枯梧周游不成步史巫諒不達何
由託情素南陌鐸聲殘西城微月度瑤衡轉麗
薨千門閉寒霧不對同憂人空滯獨憂處聯環
從中結反復無端緒

其八

長夜忽以旦白晝奄成昏上堂復下堂嘅息如
有存靈飄飄總幄檀燎上文軒視聽儼疇昔真
夢惑心魂徂夏俄景逝素秋已川奔一念永睽

理一殞復何言異類感故墟躑躅尚懷原誰能
同枯卉泯默不煩冤

其九

躔陸已屢遷律深霜霰晷病來廢晨昏興言幾
成痼陰風四際興靈響無不在祠宮闕何久窅
然成光彩永慕方始新久近曷云改

得告後紀行六首

伊予負貞隘雲林性所耽十齡事觚翰十六務
冥探弱冠乃支離始結遠遊驂漸與丘樊背拊

心良獨慙臨河發歸與再拜脫朝簪親友感忠
告明珠何乃函我惟具醇酒但令言者酣徂暑
戒舟楫浩歌擊金鐔帝鄉日已遠我行日已南

其二

南下指齊魯水雲不可求燕趙多悲風千里吹
寒流掛席迅六馬遊子心不休訊塗亡昏曉指
景歷林丘水宿露氣重時或戒重裘九河未及
訪且登滄瀛樓

其三

登樓見海水羣山蕩靈泡愿採赤水葉何由鞭
六鰲唯昔有作者斯人今則寥當檻命斗酒酌
之用陶匏風沙白日莫巒樹喧颯颯夷猶未能
舍我舟已鳴橈

其四

鳴橈夜未息川塗行未極鼎鼎洲月明浙浙林
風惻俯波媿恬鱗板條忤宿翼北斗橫天樞彷彿
瞻故國子牟終戀闕伯鸞豈長即含悽不能
言交頤復橫臆

其五

橫臆勿復道努力且加餐明發泝衛水靈犢橫
我前孔父昔旋轡被絃寫永歎惆悵古如此辛
酸我何然振衣陟旄丘極日千里間楓林卷密
霧清源隔長巒

其六

長巒聿我途解纜及秋瀾涉白復臻衛我行亦
已遑信宿聊城道徘徊思魯連眷惟吳季子祠
宮蔽荒烟吾廬舍其陽亦有延陵田微志果可

求優哉聊歲年

卜居六首

麟游非選郊鸞翔無擇溥神物寧有營志士曷
無託蜩鸞蒿下飛蓼蟲不言惡往予京華日夢
寐乃丘壑志願既畢伸賜歸荷皇澤被褐從所
好耦耕壑負郭

其二

負郭棲澤畔開疆井亦鑿麥菽漸能分夕息晝
乃作桑麻日以滋枌榆森交錯偃仰四序流安
身希尺蠖乘暇揮素桐兼之愛深酌五內常不
饑歲需恃藜藿

其三

藜藿資餽饘薜荔葺衣裳結宇冒榛莽鑿牖攬
幽光魑魅窺我前狐狸嘯我傍經言使人苦一
切束筐箱既寡耳目役妙善無迎將惟應求羊
侶款曲以徜徉

其四

徜徉躋層丘披拂趨沙汭修木象雲構時榮委

素頹萋萋春莎繁湜湜秋潭渫朱實方始垂柔
條忽可結濯纓未能忘紉蘭意徒切賞心竟誰
悟遺慮得斯訣

其五

斯訣惟遺慮攝生豈在多汲水灌園蔬植杖息
中阿勞逸不違節性氣常中和鍊藥資神理藥
就去沉痾思因三青鳥遠致玉山禾服食益壽
命無令歲蹉跎

其六

蹉跎亦何言行歌事隱淪達士奮颯舉細民甘
芻豢潛躍匪性殊志命各有敦尚平託五嶽龐
老歸鹿門短衣不掩脛蓬累耀朱輪高價豈自
偉身屈道能尊

送晉菴子北上五首

端居心不寧促駕送征客問客伊何圖客亦何
所適方舟溯天漢明庭奏嘉蹟川塗浩茫茫即
此乖良覲各言平生志何以慰離析臨觴不能
舉惻愴結中悵

其二

中慼感我神微詞為君陳嘈管暫停之繁絃莫
復伸聽我古調歌悽彼行人商風號北林游
雲駐河津仰視朔鴈翔哀鳴求其羣何況凌風
鳥舉翼惜乖分我當戀故區子當排天閭

其三

天閭鬱岩堯飛觀樹崇墉守者熊與貔雲霧常
杳濛昔我一書札欲奏覽重瞳十度九畏阻思
之我心冲脫紳竄丘莽竭來莫與同伏櫪豈千

里嘶風心尚雄

其四

雄心厲壯節委落固其常傾城酬所售羨子徑
寸良清廟方見御希世有溢光重離正南景六
龍振天綱休明難屢得蘭蕙及時芳思為雙飛
翰追子以翱翔

其五

翱翔勿復疑抗手謝心知豪士重周覽千載為
一時杪秋金氣肅隕擇辭故枝晨霜被廣野居

者戒裳衣念子遠征行風波慎所持素體勤藥
餌慰我長相惟

中秋

玄魄升東海條復中天臨卞離三山嶠俄驚崦
嵒岑素波滉欲流圓景光已侵盈虧數所值理
樞諒難謀興言調易急感時念彌深幽獨誰為
情徙倚需所欽

霜節

金祇振商轡青女嚴夕征鴈應衡嶽近鍾已豐
山鳴皚皚素暉沉霏霏玄液零澄潭湛曙波陽
卉淒時英蕪葭懷伊阻砧練騰邊聲諒彼披裘
心能忘紈扇情瑤華在空谷彷彿幽人貝安得
回吹律一使春榮生

挽呼子夢二首

送子古臺下淚為別恨滋高空玄露降落木流
寒澌原野一何迴白楊悲鳴颿仰觀浮雲游歸
岫有其期青山愁不盡自古皆若斯去去忽復
道齊契為吾師

其二

象數有成礪天命胡可疑宇內良喧卑悠悠復
何之黃壚闕真魄元神蕩無涯金石不宣奏親
交從此辭君心諒不惡達人皆爾為坐見淵珠
殞歎惜何時夷

蕪亭落城得御字

林莽諧夙姿信美得所據面勢亦測景茅茨覆
沮洳日至務始集湛然寡營慮豐蔀違時好括
囊願無譽志以冥鴻超名匪澤豹著眷念商山

隱芝餐若在御自其為已然幽獨良不憾

除夕

懸車激頽波羲畧條已匿玄英方窮紀萬為亦
機息歲華漏聲裏逝者一何疾杳杳延夕景悴
榮即殊域真元以相待冥度有興革金竹吹微
陽璿籥鼓陰熄帝宰曾不營順動乃不感慨往
眷彌殷感來愉無極歸客念征期權裘忽沾臆
繾綣戀重闌夷猶惜乖翼俛睇冥凌潛仰矚斗
綱曷臨醞奏長誼當肴不能食俗技為誰媚繁

樂紆增惻黃鵠豈不偉匹鳥多長憶相伊燕雀
圖母乃之逸識逸識有離羣卑趾無修陟出處
苟不審行已亦已慝矧乃風霜姿一登璠璣直
所嗟時事違非為遊子色願言愛春華行矣崇
明德

苦雨

玄陰黝林谷零雨被庭蕪積旬閉關坐使我愴
不舒濕氣射人骨薄寒中肌膚焚木命斗酒酌
罷還自娛門巷委苔蘚蝸書縈以紆此地少車
馬况乃愁沾濡蛟龍神變化淫滯胡茲區鷄
叫沙海饑鳳帝楸梧陳柯辭故籜時卉戀秋株
感茲歲道盡重以長躊躇

贈石塘子

鍾嶽浮佳氣清淮紀璿流若人範玄鑄要眇八
公儔逍遙既鵠性凌薄乃鷦遊傾盖方茲始平
生分俱投娟娟月華夕流螢暎河洲庭除列尊
酒廣坐間長楸一揮扶桑曲志已無應劉曰予
慕竒尚夙願獲良仇虛竊龍淵贈詎有驪珠酬

希驤庶擬駿比音或見求順風溘微藻託衷在
綢繆

發舟親友送至十里言別

抗顏謝媿友揚舲泝洪谿衝風振層浪伐鼓河
梁西赤岸縈沃野錦磧被青萸林木敷春蕤候
鳥各已啼感茲離別襟去住各含悽繾綣白日
暮欲語誰能稽勗我平生親明德貴不携在遠
分日篤何用悲形睽願言愛春華及時售文鵲

宴集

曲宴集華楹素波流彩庭懸河帶紫樞瑤光切
虛清佳辰偶良晤願言永生平秉燭繼離耀東
方殊未明諸君曾假樂為吾陳莖英吾聞大雅
曲曠世稀有聲何當金氣肅鸞鷲一來鳴

夜起

草蟲抱秋根鳴聲滿中堂感此美人意離夢故
不長澁露下前除步月理瑤璫象緯曜天闕樹
林鬱蒼蒼流籟無停吹虛白延幽光宿翼戢高
奮恬鱗棲迴塘萬族欣有託牛女恨河梁

靳兩城先生集卷之四

靳兩城先生集卷之五

東魯靳學顏著

五言古詩

自蒿平赴龍門寺

秋宇廓氛侵列嶠爭雄長霞首瞻瑤簪雲背開
仙掌初景鑒幽葩神境赫弘敞雲岫發孤峭情
恠難屢狀簌簌竹潭風析析葉澗露緣溪採林
菌憇石薦山茹蘅離隕泱漭松筠媚寒素坐見
羣花衰居然感今故徒旅赴期會念苦不知戒

未酬請泥言已拚垂堂愛石關
午初發龍門宵乃屆寥廓眷靈匹
微纒媿方內

午趨石鼓關

若人不可見髮鬚山之阿遐心存解珮芳睇在
增波繡澗發寒藻風隧散飛蘿白日安可再青
霜脆原莎折麻願莫展結桂情如何無為苦離
思聊復事行歌

曉濟丹江

霧氣緬迴嶺霜威下百木明發濟卅水飭徒夙

結束茫茫雞犬墟依依牛羊陸寒葉憾暘皋逝
波激南麓吏道信拘迫鹿網方桎梏龍情希天
表鶴想怨紛觸昔睠江上華今把石畔菊流年
忽居諸引轡意初服

於舞陽作

別家赴行役辛苦多懷傷祈寒屆窮節涸陰凝
玄塘慄慄履霜戒獵獵谷風揚蓐食方城道還
轅東舞疆曉駕天雞曙夕參歸鴈行跨礧歷窮
石貫冰度飛梁緇塵飄素裾裘敝不可張近眸

屬漁澧遐矚接江湘掩泣魯門望言念泗與洸
崩波逝如昨洪河限湯湯詎知魯連節虛縮淵
明章曰歸歸未得拊心心鞅鞅鹽車非不飽所
志在騰驤昔同雲鵠舉今逐鞫鷹翔卧志罕洪
烈坐嘯却前昌惟應採謠俗綴言獻省方

渡漢江

晨風吹莫節飛憶凌霄光星言發新墅畢景臻
全襄漢廣設天險悠悠限無梁抗輞息比滌思
見峴山陽摧萑亘修渚宿霧結寒塘崩波驚奔
箭掛席越滄茫道存逝者歎時諷求思章俯側
采菱謔仰送鵠與鷓怵怵靈修怨婉嬾二妃芳
馳暉俱已矣積情殊未央

鄖陽道中

鄖國幾百里鳥道已千重晨昏變雨暘爰業干
霓虹我徂值獻歲羣物發華滋雲歸青海日雪
灑梁園時麥葉初分隴桐蕤漸吐柯風起青蘋
未吹我上嵯峨是身若飄鴻輕矯騎蒼龍倏忽
下曲磴乃與落霞同星辰張島嶼雲鳥屯烟霧

花發武陵春禽鳴幽磴曙鬱鬱何森森佳哉松
樹林獨傷千里目空懷三秀心

渡口阻風

靈颯振廣水驚濤起鳴雷飛沙暗河甸遊子心
顏摧我征貪利涉淹日空遭迴征徒豈不戒時
命顧我遠高禽聚安叢逸獸藏深隈孤雲天末
揚裊裊將何依

西颯道中

窮律催短景行邁且搖搖既紆殊鄉念重以思

心忉驅車古原下振轡登山椒積雪亘長島朔
風聲正號習習飄寒籜歷歷偃長條飛泉下石
竇砢冰相衝敲道險不容軌氣候何蕭蕭日落
鳥雀寂山空狐狸嗥棲薄未得所長驚豈云勞
壯士抱永歎盛齡感二毛孤鳳懷竹實腐濁諒
難邀終謝鞿羈網言從千仞遨

題扇

仙人搖白扇蕭灑淨流氛朝臥蒼松杪夕弄紫
霞芬鶴聲風處勁笛響月中聞曲罷無人聽晴

翰南坡先生集
五卷
天落片雲

劉國藩畫菊

鷓鴣鳴中林芙蓉照寒水豈無明艷華所貴比
君子灑氣肅霜旻百昌日云萎芳蘭久不作清
芬當誰嗣燦燦秋菊英亭亭霜霰裏錦石繡苔
姿蒼筠冒荒杞歲暮爾同歸素心正如此

吳中里兵憲出卷索詩賦此

人如玉壺冰節比朱絲繩使君清廟質何慙方
嶽膺衡雲擁建節湘色搖驂乘妙筭三苗遜先

聲七澤澄 帝絃廓無外天捨麾不庭願以韜
鈴略臻茲干羽登不見峴山下羊叔尚芳稱

鄖陽路宿山館

夕泉響逾急草蟲鳴已秋飛來兩螢火照破南
巖幽風生梧桐葉月暎清澌流墮體與息想吾
此任悠悠

鉅野書扇示需兒

簡書一何赫驅車作旅人杏花亂愁思芳草隨
征輪白雲日以遠叩心向春旻豈不荷靈寵孤

懷鬱未伸兒當留故國予也西遊秦所願慎護
持千里慰情親

臺中試士成詠二首

寄蹟厭諧俗遣累暫違喧崇扃關閒宇同方事
討論榮采松間溢鮮飗竹裏翻游毳下虛恍嚶
禽振華園境閒將迎寂情欣妙善存中和諒不
疚紛滓詎能煩却神九霞表流睇南山樊靈闕
信伊邇勝踐竟誰敦試為二三子陳義在卮言

其二

石渠表素圖金馬待英顧詎若周士貴寧傳漢
經誤欣逢明歷朝邁茲獻春暮分庭布法筵盍
簪締良晤黼藻豐西楹鍾球儼東阼邕穆綴微
言沈涵述淵愫揆已非世資作人願昔慕荃艾
有兼滋金沙慮同泝請鑒抱冰懷唯以伐檀故
清明出遊興善寺

清華麗崇阿淋氣含中林正逢白雲侶言瞻雪
山岑流暉不可攬唯見重巖陰空香凝寶思慈
烟感冲襟撫來愉無極念往眷彌深攝受良易

企望結故難任神蘊愜一壑朋來適盍簪逍遙
非外獎䟽屬詎衷侵情玄蹟轉緬意得景逾尋
覺花掩塵色天樂揚妙音庶哉熙嘉月因之諧
素心

興善寺聞法樂

淨域今投跡直乘舊攝心龍宮飛蓋入鹿苑散
花臨是日人天洽輕雲殿閣陰金輪消劫盡香
霧抱巖沉列禩旃檀曲陶嘉祇樹林春園河澗
濶雨積慧流深蘭雜游人珮莓緣開士襟靈光
鸞乍起芳吹鳳初吟習靜非耽趣隨緣且共尋
冥心不寄象觸目盡成禊何事懷春客冷然叩
寂音微君秉淵尚誰為度金鍼

憶弟用文谷韻

端居不自怡晨起縱游目相思蕙草長南山意
中綠逖矣潁陽音懷哉泗上築何當展芳訊械
題命雲鵠

春盡將由藍田循行漢中始發長安寄別
憲使風泉行菴二君子

結軫指孟陬，倏焉改春服。投塵謝文言，兼符媿
尸祝。始遂疇昔云攬轡，趨藍谷。情懸清漢，湄跡
牽素滙。澳雖乏遠遊，姿將窮幽討。欲逶迤翠幃，
浮魚雅青襟。肅茲辰一何美，崇飭管參陸。潛頴
秀初佳，原實燁已足。流覽詎自欣，乖祈俄裏促。
為歡苦未酬，離羣念方續。無由敦嘉緒，申意慰
幽獨。

七盤坡

晨興抗華軌，樹羽凌初昕。上干烟竇渺，下揖羣
動紛。曲流牽玉折，圓畎聚星文。壁絕緬奔峭，丘
迴屢隱奔。周旋光景變，躡步陰陽分。徒旅仰脅
息，猿禽駭耳聞。窮攀意轉眩，無懼理誰云。徒念
商丘術未諗，垂堂文

望輞川山口悼王右丞

麗暉蕩餘靄，一水間花源。靈燿蔚迴結，真區謝
囂喧。誰云神俊失，應知晶景存。音徽諒難嗣，林
丘澹無言。弱植諷遺牒，慨君冒世樊。一死乏臨
節，千齡祝煩冤。秉姿挺冰雪，處躬謝璵璠。徒振

華西先生集 五卷
天庭藻空深不二門達生豈不偉炳幾道仍遵
經過感殊轍屑涕沾繁蓀心隨白雲往日送歸
流奔耿懷赴脩畛渺默隱華軒

韓文公祠

曲臺䟽石樹周道侵苔基下馬挹清曠攝齊肅
令儀伊人緬莫覲斯文良在茲况餘翠微構能
令神蘊披凌風標榭迥溼霧出牕遲區勝琳琅
積境幽歆嚶怡紫芝羞歲薦赤豹戴靈旗誰不
凝玄想千齡空爾悲

麻磯鋪坐對熊耳峰眷然難發有懷仙隱
遠薄藹葱蒨危峰抗峻朗晻曖紺烟流娟妙璫
臺上璇圖或可窺神理竟誰狀拳翠披林深弄
珠挹泉爽况富枌榆蔭亦多芝朮養物性總怡
悅人和信駘盪將諧遺世情庶永幽期賞如何
芝蓋翩遂阻霞庄往逐景遺思煩沿流牽念長
羽化始難測作者詎云恍軒丘終絕控綺園非
近響悵矣鬱深衷祗縈玄谷想

發商州

長安眠漢坻魯門矚咸陽魯門不可見長安惟
故鄉林衍阻延眺川陸限雍梁覽俗殊方改含
情軌路長已紆千嶂隔何况兩茫茫河清誰能
俟園華不再揚離索易為老沉憂中自傷

出劉嶺路作

靈鄉信超曠景嶺杳依菲橫絕踰千里中峰轉
難幾金庭謂當是芝構訪疑非却諧貞素蘊漸
與盪埃遠重陰逗氛翠白日亂巖霏阡綿摘林
秀空明鑒潭暉谷回響初遞岬傾景乍晞分空

睇若失遊霧攬還微咸臨有忻矚習坎無危機
庶希總風轡渺然控鸞駢玄律回初夏神飈長
綠薇貯念息心者相思不可揮

入南山作

潛躍有殊尚龍蠖乃同伸顧予支離者亦高真
遜人洄淵性之瑩白雲心所親忻茲南山往頗
協生平真况屏氛雜慮暫抽嬰累身芝餐黃綺
共蕙幄羽朋隣披拂咸蔚蔚窺塞盡嶙峋神輕
片烟上盼阻一坻濱渚英紛可綴原蕘組成箇

即事感多美牽膺難具陳末路方拘窘幽素亦
遭屯名矜道不足知希我為珍漸鴻非近蹠猶
龍豈同塵色斯終決起謀即在茲辰第慙緇磷
質或干鸞鶴嗔靈氛倘可就握粟訊初因

三月晦日

神莫凋無莢純陽潛已萌曙禽尚春響柔條先
夏榮即占暄候革知是緒風生憑軾望鷓鴣臨
岐送倉庚序轉環無始律生衡有程居諸信超
忽誰能永堅貞何如坐自慨今業轉湛冥

自殺虎嶺歷鎮安洵陽道皆險絕眙聘駭
慄欲迈不可殊櫻悔念殆乏逸想作此自
哂

分野畫靈嶽靈嶽表中天嶮巖非一狀攀歷亘
重烟暘岑上偃蹇陰巘下黃緣雲峰屢合沓石
棧紛糾旋百危構弱幹千里鮮平厓躡景目已
駭浮空意先顛纍纍蟻附磴鯁鯁魚麗筌如何
金石諾居然悔吝牽遐心阻幽涉遠略謝孤蹇
游行有至性畏約非自然諒非觸無閱誰能探

重淵誓窮鍊飛術水與黃鵠翩

雨

鳴鳩坐空桑翔禽掠翠浦漠漠遠岑陰千林掛
飛雨蘿纓滋可結雲旗亂如舞褰裳戒後夫假
蓋憂前伍回輶靡所栖息徒依環堵雖懷沾濕
虞亦怯塵蒸苦

別漢水

我行西北去爾向東南流相將滿明月此別兩
悠悠爾向東南去東南多故人薰風好波浪送

客上三秦應過彭澤口僕會贛江流殷勤謂江
使為我報雙洲上有九江魚下有彭蠡鴈故心
庶不忘新書那無便

暮春象岑謝公由褒斜予由商洛擬同晤
漢中比予至城固則公旋矣令持公書見
貽誦而感焉作此

漢廣結同游川谷各殊軌不謂隼旟迢虛茲龍
光擬聞公遣漢令雲中致雙鯉謂是復疑非乍
悲俄復喜太傅丘壑姿康樂圭璋羨英顧蒙已

屢猥酬失所理款曲意彌敦岑寂思何已南雲
交夏曦城闕清陰裏徙倚下庭除蒼葢散文履
恍惚見列岫蓄情猶望始

鳳縣山齋卧病

卧病滯空山寤言念疇昔疇昔伊何云觀頤無
故厄雲房夏氣清蘿牖綠陰積朱墨翻已疲文
史委如壁踟躕百慮攢偃仰九愁迫夙抱齊契
觀一惕憂虞跡居常易為情處旅難可適冥懷
信刀圭却神事營魄曲人戚履順達士忻逢逆

順逆安所櫻持此慰遙夕

鳳翔館中試士俄雨志喜

積晨始命餐臨墀坐自歎祥飈灑然至飛雨颺
華幹炎氛蕩中夏沉襟愜清晏微恙方自嗤嘉
候復可翫將絳中達驂佇覽人文煥

攬鏡作問答語

青銅湛秋水鑒茲衰容髮真宰奚不仁鑄我不
仙骨崑臺有琪樹榮采千秋發不饑亦不渴至
精誰能滑頰頰爾慎持為君謝天伐

新兩城先生集卷之五

新兩城先生集卷之六

東魯新學顏著

五言古詩

鍊藥

觀願葆至精爽惑乖神理甘滑遠不御華態日
彫毀服食草木英根實寧多旨但知扶爾外汨
滑昧衷否何如飲醇和動息咸有以請誦山澤
象庶幾完令體

病起詣普照寺

積陰涸重陸澤氣含夕暉隕籜婁無語僧廬各
掩扉龍象渺變現儔侶漸依稀過從既云鮮機
事信已微寡營欲易足慮冲罕所違至人無去
就喧寂相因依損已累自遣謝物使情腓奚必
綰囊鉢始云返初衣一徃四十載三十九年非
是非俱莫辯于此入無機

效黃魯直

一旬三饋漿十日一櫛沐迫而後能應希聲猶
不足被褐詣諗公共爾一盂粥澹然出世情了
了無縛束因舉趙州話白兆一櫛木瞠目不解
答彼已兩無觸作別不作別黃葉埋經屋

書閣晏坐

夕樓寂以廓蘭燼裊餘馨已無紛滓觸復此神
慮清慮清非屏棄恬澹自無櫻祥雪舞巖素杳
鍾靄林聲亦有耳目用悠然遊衍情心靈忽感
盪緣趣總昭明

始至北墅媿友咸至

曠然木鷄心滯淫傷土梗始展秋原望欣矚即

成境嶧翠分雲林陂色漾土井佳儔不速來觴
具曷云整輕裾散清陰幽篁駐深景壺傾尚命
酌寒漿亦可綆眷言久敬交淡成殊有領

慰農

良農無越畔終畝願逢年詎期力蔗菘終窶困
連阡陵隰乖所望耕餒報何愆拙薄返墟里資
生且隨緣計口始視具聚室顏無歡因哉衆人
見達者良不然聞道苦不飫志豈在肥鮮一飲
介泉水充然無惡焉

新卜小園病未往窺

投艱信寡歡安貧亦泰定傾錯理雲林按圖選
幽勝伴來已舉券頗協滄洲興瀰瀰已神蠲盈
盈恍心瑩芬藻即未豐休恬雅宜稱清川阻登
涉流鶯待春聽

閤夜

泠泠石臺鍾流響戒宵永聲聞俄已滅象識差
猶領庭霰積皚皚蘿月交森冷端居遵時晦養
痾非習靜埃積委文茵圖編漫莫省危栖似旅

新成先生集 六卷
人孤尚正夙秉因得無為宗敝業還可整

編籬

淫晦無秋夏湖波蕩社廬開牖此晏坐超然見
遠阡楨榦艱于築編葺且維藩華門無攘竊桑
樞尚可旋空齋四壁立何得何失焉所慮在花
卉踐履防未然信非務遠略聊爾怡目前

憫逋逃

懷襄執方割千里一波連陰頴秀崇丘陽菱冒
木顛等時寢訛場今游蛟與龜人物散不處百

室幾炊烟樵蘇絕無計鮮食亦奏艱嗟我怕饑
衆菜色槩愚賢橫索日方急視天方湯湯齊宋
與徐衛何方不其然人云離鄉賤新土况艱安
故鄉富絃誦慎勿輕棄捐

聽琴

春冰溜曲磴寒羽啄空林雪侵黃澤苦蘭歇紫
臺深洞廊日云夕持此慰幽岑幽岑不足慰正
復感遐心已已母終曲子懷良不任

病室四詠

關山度飛雪千里日相親良緒不中析復此共
寒溫霜晨繞清夢桂夕繾栖神塵質奉君子舒
卷詎辭勤

右氊帷本車帷今覆寢

少小慕衆芳卷懷事高隱微馨幸見揚同臭詎
中泯回風戀素裾餘薰拂瑤軫非為金鼎榮貞
心向君盡

右竹心香

丹成不飛去漆身亦何為幸脫簿牒鄙頗于文

史宜曲直從心畫點染非自私不惜赤心竟應
同青汗期

右硃綻

衆皆貯甘脆君獨瀉如荼苦口暫相近中心日
以踈所承良有異為器豈殊與祥春開令紀幸
謝各相渝

右藥碗

水火

水火誠異氣既濟用有宜兼金出銅穴質殊性

不移一朝辭垢累光耀俱在茲何事距微禽但
為智者嗤

夜共所親坐語

浩歎積彌襟沉冥廢關謁共此一城隅晤言動
經月高談為我延華燭坐來歇鷄鳴應多事良
緒何由竭

踈翁自哂

屠龍技未售恤緯意已孤說跣孔幾墮回歌墨
自迂衝流障蕭蒿糗餌釣珊瑚行行敗甌粵乃

持千腋孤踈翁踈誠甚豈暇憂其餘智叟嗤不
止往貽祛踈符彌縫利涉世深隱善所圖子當
蠲宿累立可陟華塗吁嗟謝智叟何乃鑿吾踈
遲楊子信許夜過

微雪杜閒門林鳥時一呼豈無輪鞅集異心非
我徒陶尊芳以冽遲君共擁鑪親燕不辭屢况
此日月疏徙倚庭柯下唯畏願言孤

初四夜樓上望雪有作

玉宇弦初魄蘭堦拆晴蕙層欄下烟霧流霰滿

林垞縱目以眺萬井靄冥冥北城調朔籟南
極轉昏星玄象遽如此深衷馬可寧遵時存蠖
屈擇術謝熊經感隨物化往衰減素心靈取樂
非今事達生譏獨醒誰能抱永歎寂歷滯寒庭

送雪山二首

昔向無中來還向無中去今無既非有昔有今
無據無有亦無無無誰當語二者難致詰徒
然惑衆庶

其二用五平五仄體

防巖披空明日岫鑒朗曜猶能晞春暉遽爾析
衆妙銷光賢之徙守黑老所邵唯當欽遺徽豈
必幻跡肖

初春園亭

亭樹寂無感祥飈扣成音蒼池亦已波游雲度
輕陰漸羽望初斷柔木結可任茲晨幸無擾冥
心向中林掩卷竚遙想揮卮冀當欽桑樞異華
構下澤謝名岑由然神蘊契不必在崇深

入蜀始發里中三首

白鶴西南翔撫翼中自嗟遊子夜無寐鷄鳴問
星河雲靜四宇濶初日漸光華僕夫結束已驅
駒亦整珂悵然難久佇臨發且蹉跎縮帶謁北
堂流涕雙滂沱婉轉情非一但能唯與阿別離
誰不苦我懷良苦多

其二

昔覽蜀地圖掩卷不能終今也秉一麾翩翩逐
歸鴻曾無晨風翩翩飛馬可窮長驅亘充豫塵
鞅指秦雍銅梁造雲日玉關標春空歷涉信疲

極神志或冲融靈境愜始願庶哉遇仙翁矧茲
謬藩服遐寓振華風如今王道洽詎云心賞同

其三

疲馬戀棧豆出門常苦饑澤雉食中野詎願凌
風飛丈夫不得意何用紱冕為利翮世所羨短
羽行自嗤東風吹蓬鬢容色難久持華珠為誰
吐糾結况無竒遐方信脩阻禮教誠異施皇風
暢無外萬里猶隣比龍淵本蜀器拂拭光陸離
時哉既已晚玉匣韜秋姿聊用烹鮮術文翁儻

可師

寄謝見送諸君子

抗輶亦何言，眇默遵脩軌。
春河浩渺流，歎此東西水。
故人持斗酒，送我河之涘。
累觴亦不醉，感子來意美。
各懷琬琰姿，榮名期青史。
睠彼蕙蘭華，採採貽君子。
芬芳苟不殊，畛域何足擬。

見太行忻然自遣

日夕事塵軌，昏中知幾移。
逢迎岐路人，難可喻肝脾。
名嶽宛如昨，是予心所期。
佳哉覃懷甸，清曠發冲思。
脩木何蒼蒼，碧篠媚漣漪。
其下富藥物，却老使顏怡。
感念不能去，林風吹征旗。
飛章訊白雲，申盟終在茲。

於洛城作

北印負洪流，龍門瀉危徼。
翠堞列雲修，雪宮含霧窳。
野沃百昌蕃，時亨文物劭。
夕曛麗原隰，平林羨清眺。
井塍錯如繡，朱素紛相曜。
景綈憇始深，埃空相愈妙。
禽鳴谷尚輝，蹊暝月已照。
緬懷結幽尚，喟焉阻嵩少。
寄謝山中人，知予儻同調。

咸陽覽古七首

秦帝昔何雄樓閣擬天室陳跡唯荒原蕭蕭下
寒日白雲共寂寞南山對翠律

其二

三十六離宮金牕閉窈窕翠華虛木臨黃昏水
螢照空嗟桃李枝艷陽猶一咲

其三

北風何瑟瑟千里吹天黃健兒荷弓矢怒髮赴
沙塲別家非無淚羽檄重開疆

其四

俠少臂劍行一言怒相擬朝射南山虜夜醉新
豐市為言灞陵尉須避輕車李

其五

往來渭川上唯見柳枝春無論劉與項俱是逝
波人夕陽照野水遊騎下晴津

其六

笙鏞舞趙女絃管間齊謳走馬長秋道鬪鷄御
水頭今日憑高望天空見渭流

其七

河梁綠草色日日送征輪寥寥此中客誰是平生親不如瀉卮酒歌向梨花春

從咸陽原望長安

驅馬古原上下視長安城黼黻羅宮闕萬井麗縱橫山川藹佳氣雲日回昭明修木翳芳甸沃野滿瑤京吁嗟古形勝千年無戰爭寄語抱關者慎勿諱作兵

曉發

卷帷坐清曉丹霞射我牖覽鍾呈衰顏青山媿我後夙慕巖穴流今與麋鹿友杖策步嶮嶇路逢二三叟澹然出世情似是沮溺偶意各有云為秉心異所取泉石足酬酢筍蕨無淨垢不知有人榮寧復遭世咎擾擾羨名人百年如覆手歎息舍之去驅車中自負

山館不寐成詠

谷口暝烟霏樵牧出深林子亦息徒旅高枕此山岑孤峭不成寢掩卷聽蟲吟蟲吟斷還續它

山難為心此夜它山人何時故山夢踈星掛牕
戶緒風颯軒棟蘭靄尚餘薰蘿影自紛弄冲然
歸一空忽若含萬動予固戰勝者沉冥意所湛
久為纓組厭而于丘壑諳杯酒發真性卮言有
至談難與室人說抽翰散清酣

夜卧松下

松風吹飛夢縹緲落青虛不知身生翼自覺從
所如足亂星辰流清漢漂白榆左顧綠雲咲右
把琅函書一讀再三諷惕汗沾重襦醒見松間

月猶疑海上珠

富順道中

遑遑競所務疲薶無時休蓐食發中野夕惕牽
百憂淑陽熙羣化念獨羈旅遊跼躅歛末翼顧
影悵鞞鞫何由一朝脱色斯舊林丘懸網罹中
逵投章寧見收今時知何日雲物媚遐陬遠楊
抽初莢珍禽感嘉儔心乎聊可娛誰能信優游
倥偬詎理遣凌遽非情謀北山大夫歎采綠閨
人謳二者非貞則抽翰寫衷幽

在瀘

齋閣晝常閒
筐篋寡民詞
恒陰寒霧積
蒼苔日夜滋
嗒然聆雨坐
山鵲響春枝
洞房修云夕
焚香正何思
非無一尊酒
愁來難獨持

舟發瀘州往合江

晨暉窳東嶼
惠風款西颺
澄江淼烟景
輕艫及新漾
擊汰始容與
揚舲轉清曠
却望春山郭
相失幾青嶂
利往忻自如
回緬意多悵
官程豈不遭
鄉塗亦已長
文奏損靈心
煎熬薄夙尚
且揮

沅芷辭屬和榜人唱

曉至合江

江臯秀春蕪
千門綠如積
水鏡涵雲空
丹霞自相射
晨鍾瀘川寺
午權神山驛
芳津片烟生
金波日淪夕
客情此暫弭
明發知安適

安溪道中

此地非我鄉
况乃之百蠻
晨裝戒鳴葭
飛蓋凌春山
山川何糾結
荒塗嗟險艱
及餐日已晡
匿景高林端
玄雲布層陰
谷風振衣寒
豈無蛇虎

跡魑魅交其間所貴在臣節失意非所歎華域
路窮此 皇圖殊未殫

開寶寺

舟行見山寺邈若生虛空浮峰決漭外置殿蒼
翠中始望勢如失俄轉路纔通陟榭叅蘭若攀
林款蕙叢千花聚成塔雙樹結為宮藻棟瞰縹
緲玉牕窺青葱背巖全礙日面壑半含風經聲
出深箐香氣濕春濛意表六塵寂光中萬象同
祇應真侶集非復世人逢

在仁懷古寺

春澤晝氤氳亂峰起烟霧巖扉日無事相思空
館暮中意不自持白雲訪龍樹象教非在言歎
息微塵數

仲春得故舊書却寄

上山採黃獨下山中苦饑問我客幾時春花再
芳菲臨衢戢短羽當期不得歸人事令衷痾悠
悠悵多違但覩岷山水不聞鴻鴈飛岷川日夜
碧乘時會東依絨情尚無鴈何況接音徽

新成先生集卷之六
獨立

朝送孤雲出暮挹孤雲入惆悵數峰寒何人識
獨立僧飯罷長廊山禽於餘粒

獨往

白雲伴客行行覓茶樹深林無人來時與樵
僧遇相看非靜者相對偶成趣

放舟江中歷黑蠻諸灘

行子悵多阻乘流放輕舸拂綃亂寒皺激雪揚
素濤砉然石闕下祇覺春旻高濶濶風振幄斐

斐霧沾袍辭洲景厲急歷壑響蕭搔來峰儼將
失却林忽已韜沿洄始瀾瀾逗浦尚溘溘烟蘿
杳相織鳧鷖飛且號微茫列巖穴參差見茅綯
殊邦和氣應中春發紅桃弱榮繁囿雜英颯
清矚土人膳石耳山僧薦溪毛潤澤多嘉生蔚
與信靈臯却懷長往者冥跡皆人豪遂令虞坎
窞轉作羨遊遨不緣窮役苦焉知曠所遭嗟予
慕蜚遁如何廁冗曹臨流羨梁雉持華歎陵茗
歎羨俱應泯毋使賞心勞

馮子寄我道路喧喧云子飛昇矣僕時採
木居南夷又人方有以中我者何仙之為
因賦紀之

行年四十五手不把丹書朋輩稱冲舉煩言嘖
里間秋風急三峽東使滯雙魚故國天長似君
門日遠如憂讒朝不夕抱責實成虛濡迹今如
此為情那用舒眠餐常傍虎悅怒一由狙異類
隣皆小名材神所儲臣心非不竭地道自無餘
乃負依違謂曾何介蒂與且修魑魅職戀是薜

薜居

答馮子見寄二首

疊疊時屢遷惇惇我思煩處危多所慮念子罷
晏歡山川有接軫岐路交其間空堂流素暉明
月鑒我筵安絃理清曲調短意何延思因晨風
翻寄子辛苦言

其二

洞房杳夕陰霜露塗我階遙林發秋氣淒葉下
高臺佳人念屢隔憂深華色衰日月有弦望柰

新河城先生集 卷六
何久離乖靡靡吟周道王事疲我懷昔往桐始
華今來菊聿開中意不自宣拊軫何由諧臨樂
豈忘歡引領野徘徊

瀘州用王僉憲韻

銷魂徒黯然深衷為誰發空亭坐來久流雲吐
華月春河澹無波香鍾亦已歇依微水檻螢冉
冉竹間沒憶極未成眠馳神阻天末

真想亭二首

華構此亭古誰題真想字簷虛引素暉畦寒息

機事雲霞舒卷情蟲鳥往來意羣妙既若然吾
其一吾致

其二

隱几吾忘我休衙吏羨仙居然塵外事誰復區
中緣時菊抱寒秀清華澹衆研冥心非有念有
念亦玄玄

寶雞道中時值立夏

漠漠水田靜英英嶺雲間縣廓儼天室壞麗非
人寰綠竹邃潭色白日寒松間平林布夏陰芳

條謝春頰試聆谷鳥嘒已識南風還行役無已
時登頓方險艱臨餐媿紫蕨俯躬惕青綸願言
移家住華顛弄潺湲

發京四首

睠然發京邑驅車返故鄉豈不愜枌榆中心愴
以傷矯首芙蓉闕鵲正相望劍鳥羅虎拜鏘
佩序鴈行八方若輻輳吐納輸忠腸衆星環紫
極孤雲逝安翔夷猶緩征轡耀靈已西藏

其二

皇衢脩且夷千里隄河山生還荷帝慈結念
曾不間常恐先朝露所報且微涓羣公今瓊龍
揖讓古墀軒各挺珪璋姿忠赤照蒼玄區區青
史榮曾不兢後先朽生抱孤瘵首丘良已便奚
必慶躬逢斯馬踐願言

其三

傾體響雲闕俛仰不自持五內亦已摧屑涕如
縷縻豈為戀榮達大義臨當垂弱齡困轅軛羈
絃阻驅馳幸垂末路光省達濫竽吹逡巡秉一

節照耀千里達十技九未展衰疾忽若斯生別
已足嘆慮當溝壑期棗下何纂纂河清難再時
去去勿復道申章從此辭

其四

寒日引孤旌冰河漫皓皓畢景指前期僕馬色
已稿悠悠隨征鴈是予故鄉道引領嶽三峰其
陽產神草聞之精鍊服令人常美好綿綿脩若
存榮名非所寶頃歲牽末役喟馬廢幽討形志
漸不屬呼吸馬能保臨淵始羨魚迷方悟不早

初春郊園

淑氣暖東廬庶芳布原隰物象既已融况乃始
願及晨興信所如徘徊日將入微躬不自持三
旬九絕粒力疲志益振境會神逾輯冥數亮有
恒毋為徒苦集石室揮素絃谷風陰以習為感
既殊情興言調自急那知濟契心千古非口給

新兩城先生集卷之六

